



Inatsisartunut ilaasortaq  
Harald Bianco, Inuit Ataqtigiit  
Maani/

### **§ 37 naapertorlugu nannunik aammalu qilalukkanik qernertanik pisassiinermut kisitsinermullu tunngatillugu apeqquteqaammut nr. 105 2021-mut akissuteqaat**

Inatsisartut suleriaasianni § 37-mi imm. 1 naapertorlugu apeqqutinik Naalakkersuisunut nassiussaqaarnikuuvutit, nannunik qilalukkanillu qernertanik pisassiissutit kisitsinermullu tunngasunik. Apeqqutitit uanga suliaasaqarfigisannut akisassangortinneqarnikuuvoq.

Apeqqut 1. *Tunumi piniakkanik angisuunik, nannunik qilalukkanillu qernertanik qanga kingullermik kisitsisoqarpa*

#### **1-imut akissut:**

Kalallit Nunaanni Pinngortitaleriffik Tunumi nannunik misissuinerik annertuunik ingerlataqarpoq, taakkunungalu atatillugu qaammataasiaq iluaqutigalugu nalunaaqtsersuineq timmisartukkullu kisitsinerit 2022-mi 2023-milu ingerlanneqarnissaat naatsorsuutigineqarluni. Misissuinerit taaneqartut sioqqullugit Tunumi nannunik kisitsisoqarnikuunngilaq. Misissuinerit 2014-imiit 2021-mut ingerlanneqarnissaat pilersaarutaagaluarpoq, 2020-mili COVID-19-imik pissuteqartumik kisitsinerit ukiut marlunnik kinguaattoorallarpit, taamaalillutillu 2023-mi naammassineqartussatut naatsorsuutigineqarlutik.

Tunumi qilalukkat qernertanut tunngatillugu 2008-mi aamma 2016-imi Tunup kujasinnerusuanit (Isortumiit) Ittoqqortoormiit tungaanut misissorneqarlutillu kisinneqarput. 2017-imi taamaallaat Ittoqqortoormiini qilalukkat qernertat pillugit misissuisoqaqqillunilu kisitsisoqarpoq, Ittoqqortoormiit kujasinnerusuanittut silarluppallaarnera peqqutigalugu. Nalilerneqarpoq Tasiilami aamma Tasiilap kujataani kisitsinerit aallaavigalugit qilalukkanik qernertanik naammattuukkat ikippallaartut qilalugaqatigiit annertussusilernissaannut. Sumiiffiit pineqartut naammattumik misissorneqarsimanerat nalilerneqarportaaq, qilalukkallu taakku takuneqartutuaasut nalilerneqarput 2008-mi siuliani kisitsinermiit sanilliullugu ikileriavissorsimasut. Misissuinerit kisitsinerillu kingullerpaat 2017-imi aasaanerani ukiuuneranilu Avannaarsuani kangianilu Nunami Allannngutsaaliugakkami ingerlanneqarput, 2018-imilu aasaanerani ingerlateqqinneqarlutik.

2020-mi Ittoqqortoormiit eqqaani ukiuunerani kisitsisoqartussaani kuugaluarpoq, tamannali COVID 19-imik tuniluunneq pissutigalugu kinguartinneqarpoq. Taakku 2022-mi maajimi ingerlanneqarnissaat naatsorsuutigineqarsinnaavoq.

Ukiuunerani kisitsinerit imak paasineqassapput misissuinerit kisitsinerillu ingerlanneqassasut, qaamasarnerata sikumilu pissutsit naammaginarsimalernerat

Ulloq: 16-08-2021  
Suliap normua: 2021 - 14257  
All. nr. 17537219  
Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-maili: apn@nanoq.gl  
www.naalakkersuisut.gl

imaluunniit suli naammaginarnerat tunngavigalugu, taakkulu aprilip maajilluunniit missaani juunimilu sikuernera sioqqullugu pisartut. Aasaanerani kisitsinerit augustimi qilalukkat qernertat sinerissami kangerlunniinneranni ingerlanneqartarput.

Apeqqut 2. *Kisitsinerimi kingullermi qanoq angitigisumi aningaasaliisoqarpa?*

## **2-mut akissut:**

Ilisimatitsissutigineqarsinnaavoq 2019-imi nannunik kisitsineq pillugu Pinngortitaleriffiup suliniutaanut Issittumi ilisimatusarnermut tapiissuteqartarnermut Miljøstyrelsemiit (siusinnerusukkat DANCEA-miit) aningaasatigut tapiinissamut katillugit kr. 4.691.873,00-t neriorsuutigineqarmata, kiisalu 2021-2022-mi suliniummut tassunga ingerlatsivimmit tassanga aningaasatigut tapiinissamut katillugit kr. 3.929.853,00-it neriorsuutigineqarmata. COVID-19 pissutigalugu pilersaarutigineqartutut misissuiffissami sulinissaq ingerlanneqanngitsoorpoq, Pinngortitaleriffilli akuerineqarpoq aningaasaliissutit tigummiinnarnissaannut misissuillunilu suliaqarnissap kinguartinnissaanut.

Nannoreernerimi uumassusilerinikkut misiligutissatut Pinngortitaleriffimmut piniartunit nassiunneqartartunut misissoqqissaagassanullu kr. 20.000-t saniatigut nanoqatigiiaat alapernaarsorneqarnissaannut Pinngortitaleriffiup missingersuutaanit Kalaallit Nunaannilu Namminersorluni Oqartussat aningaasanut inatsisaannit aningaasanik illikartitsisoqarsimangilaq.

Qilalukkanut qernertanut tunngatillugu misissuinissamut 2021-imi kr. 261.569,00-it aningaasaliissutigineqarput, kisiannili Tunumi kisitsinissamut tunnganatik.

Tunumi (aqutsiveqarfinni) qilalukkanik qernertanik kisitsinerimut kr. 1-1,5 mio.-t akornanni aningaasaliissutigineqarput, aningaasaliinermilu ilaapput piffissaq timmisartuussinermi atorineqartoq, atortulersuutit, inuttat, pilersaarusiorneq, misissueqqissaarneq kiisalu nunat tamalaat misissugassaat. 2016-imi qilalukkanik qernertanik timmisartukkat kisitsinerimut, Isortumiit Ittoqqortoormiinit isorartutigisoq, kr. 1,1 mio.-t aningaasartuutissatut missingersuutigineqarnikuupput, misissoriikkallu suliarinerimut soorlu NAMMCO-mi aamma JCNB-mi misissueqqissaarnernut saqqummiussinernullu kr. 0,6 mio.-t aamma saniatigut ilanngussassaallutik.

2017-imi Ittoqqortoormiini kisitsineq ingerlatseqatigiiffinnit uuliasiortunit aningaasalersugaavoq, kisitsinermilu ilaavoq Nunap allanngutsaaliukkap avataaniitooq Tunup Imartaa.

Inussiarnersumik inuulluaqqusillunga

Aqqaluaq B. Egede

Aalisarnermut Piniarnermullu Naalakkersuisoq